

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-7747/20
Sarajevo, 25.6.2020. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine, a na preporuku Komisije za javnu nabavku radova, Općinski načelnik donosi:

ODLUKU

o izboru najpovoljnijeg ponuđača u predmetu – Izvođenje radova nužnih popravki na objektima kolektivnog stanovanja (krovovi i fasade)

I

Prihvata se preporuka Komisije za javnu nabavku radova i ugovor za javnu nabavku u predmetu - Izvođenje radova nužnih popravki na objektima kolektivnog stanovanja (krovovi i fasade), broj obavještenja 422-1-3-111-3-71/20, objavljeno na Portalu javnih nabavki dana 11.5.2020. godine i u „Službenom glasniku BiH – Oglasnik javne nabavke“, br. 27/20 od 15.5.2020. godine, dodjeljuje se ponuđaču „Sela“ d.o.o. Sarajevo, sa ponudenom cijenom za ugovor u iznosu od 147.348,91 KM bez PDV-a, odnosno 172.398,22 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumente tražene u tački 3.1.3. tenderske dokumentacije koji se odnose na član 45. stav 2 tačka od a) do d) Zakona i dokumente tražene u tački 3.3.2 tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti original ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-7747/20 od 06.5.2020. godine Općina Novi Grad Sarajevo pokrenula je otvoreni postupak javne nabavke – Izvođenje radova nužnih popravki na objektima kolektivnog stanovanja (krovovi i fasade), broj obavještenja 422-1-3-111-3-71/20, objavljeno na Portalu javnih nabavki dana 11.5.2020. godine i u „Službenom glasniku BiH – Oglasnik javne nabavke“, br. 27/20 od 15.5.2020. godine. Procijenjena vrijednost nabavke iznosi 141.025,60 KM bez PDV-a, odnosno 165.000,00 KM sa PDV-om.

Zapisnikom o otvaranju ponuda od 03.6.2020. godine Komisija je konstatovala da su u predviđenom roku, u propisno upakovanim kovertama, pristigle četiri (4) ponude ponuđača: 1. „Oki Upravitelj“ d.o.o. Sarajevo, 2. „Sela“ d.o.o. Sarajevo, 3. „Bahen gradnja“ d.o.o. Sarajevo i 4. „Dinalsa“ d.o.o. Sarajevo.

Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle četiri ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač „Oki Upravitelj“ d.o.o. Sarajevo ne ispunjava kvalifikacioni uslov tražen u tenderskoj dokumentaciji iz tačke 3.4.1. (a) da je ponuđač u protekle tri kalendarske godine uspješno izvršio jedan ugovor koji za predmet ugovora ima radove koji su u vezi predmetom nabavke (sanacija ili izgradnja objekata visokogradnje) vrijednosti najmanje 165.000,00 KM sa PDV-om, te je ponuđač uz spisak izvršenih ugovora dužan dostaviti najmanje jednu potvrdu za ugovor koji za predmet ugovora ima radove koji su u vezi sa predmetom nabavke vrijednosti najmanje 165.000,00 KM sa PDV-om, koju je izdala ugovorna strana – naručilac radova, a koja obavezno sadrži naziv i sjedište ugovornih strana, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. Ponuđač „Oki Upravitelj“ d.o.o. Sarajevo uz listu izvršenih ugovora dostavio je potvrdu Općine Novi Grad Sarajevo broj 02/08-19-8254/20 od 20.5.2020. godine koja se odnosi na dva ugovora koji nisu u vezi s predmetom nabavke, te su vrijednosti ispod 165.000,00 KM sa PDV-om, dok treći ugovor broj 02/12-23-16130/19 od 21.10.2019. godine koji se navodi u potvrdi nije u cijelosti realizovan, te se predmetna potvrda ne može prihvatiti jer se u tenderskoj dokumentaciji traži potvrda o izvršenom ugovoru.

Nadalje, ponuđač nije dostavio ni validnu dokumentaciju kojom dokazuje uslove tražene u tenderskoj dokumentaciji iz tačke 3.4.1. (b) tehnička i profesionalna sposobnost jer je dostavio Listu osiguranih lica Porezne uprave broj 13-9/2-12-5-1094/20 od 06.4.2020. godine, a kao krajnji rok za predaju ponuda određen je 03.6.2020. godine. Dakle predmetni dokaz je stariji od 30 dana računajući od dana utvrđenog kao krajnji rok za predaju ponuda. Također dokaz o radnom iskustvu za jedno lice VSS – inženjera arhitekture ili građevine nije potpun, jer je ponuđač dostavio ugovore o radu i obrasce za prijavu/odjavu osiguranja, a ne izvod iz PIO/MIO ili potvrdu poslodavca.

Ponuđač „Oki Upravitelj“ d.o.o. Sarajevo ne ispunjava ni uslov iz tačke 3.4.1. (c) da je ponuđač opremljen neophodnom opremom za obavljanje radova (prevozno sredstvo kamion nosivosti do 10t – 1 kom, skela minimalno 100 m² i dizalica za vertikalni transport do 500 kg – min 2 kom), za što se kao dokaz dostavlja izvod iz knjige osnovnih sredstava ili ugovor o iznajmljivanju opreme, za kamion se dostavlja saobraćajna dozvola, a za radne mašine saobraćajna ili upotrebna dozvola sa zapisnikom koji dokazuje tražene karakteristike; (original ili ovjerena kopija). Ponuđač „Oki Upravitelj“ d.o.o. Sarajevo je dostavio ugovor o iznajmljivanju kamiona nosivosti 16520 kg, kao i saobraćajnu dozvolu za predmetni kamion, a što ne ispunjava uslov iz tenderske dokumentacije, odnosno kamion je nosivosti veće od one tražene tenderskom dokumentacijom.

Iz naprijed navedenog razloga utvrđeno je da ponuđač „Oki Upravitelj“ d.o.o. Sarajevo ne ispunjava uslove tražene u tenderskoj dokumentaciji iz tačke 3.4.1. (a), (b) i (c) – tehnička i profesionalna sposobnost, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je utvrdila da ponuđač „Bahen Gradnja“ d.o.o. Sarajevo ne ispunjava kvalifikacioni uslov tražen u tenderskoj dokumentaciji iz tačke 4.7.2. - garancija za ozbiljnost ponude. Garancija se dostavlja na način da se originalna bankovna garancija pakuje u zatvorenu plastičnu foliju koja se na vrhu zatvori naljepnicom na koju se stavlja pečat ponuditelja ili se otvor na foliji zatvori jamstvenikom, a na mjesto vezivanja zalijepi naljepnica i otisne pečat ponuditelja. Plastična folija u kojoj je originalna bankovna garancija mora biti označena rednim brojem stranice ili lista, kao i ostale stranice ili listovi ponude i kao takva čini sastavni dio ponude. Ponuđač „Bahen gradnja“ d.o.o. Sarajevo je na stranici 76. ponude dostavio garanciju za ozbiljnost ponude koja je zatvorena naljepnicom ali bez pečata ponuđača, kako je to traženo tenderskom dokumentacijom.

Ponuđač „Bahen Gradnja“ d.o.o. Sarajevo ne ispunjava ni uslove iz tačke 3.4.1. (c) da je ponuđač opremljen neophodnom opremom za obavljanje radova (prevozno sredstvo kamion nosivosti do 10t – 1 kom, skela minimalno 100 m² i dizalica za vertikalni transport do 500 kg – min 2 kom), za što se kao dokaz dostavlja izvod iz knjige osnovnih sredstava ili ugovor o iznajmljivanju opreme, za kamion se dostavlja saobraćajna dozvola, a za radne mašine saobraćajna ili upotrebna dozvola sa zapisnikom koji dokazuje tražene karakteristike; (original ili ovjerena kopija). Ponuđač nije dostavio traženu dokumentaciju za dizalicu za vartikalni transport tereta – 2 kom.

Iz naprijed navedenog razloga utvrđeno je da ponuđač „Bahen Gradnja“ d.o.o. Sarajevo ne ispunjava uslove tražene u tenderskoj dokumentaciji iz tačke 4.7.2 – garancija za ozbiljnost ponude i iz tačke 3.4.1. (c) – tehnička i profesionalna sposobnost te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je utvrdila da ponuđač „Dinalsa“ d.o.o. Sarajevo ne ispunjava kvalifikacioni uslov tražen u tenderskoj dokumentaciji iz tačke 4.7.2. - garancija za ozbiljnost ponude. Garancija se dostavlja na način da se originalna bankovna garancija pakuje u zatvorenu plastičnu foliju koja se na vrhu zatvori naljepnicom na koju se stavlja pečat ponuditelja ili se otvor na foliji zatvori jamstvenikom, a na mjesto vezivanja zalijepi naljepnica i otisne pečat ponuditelja. Plastična folija u kojoj je originalna bankovna garancija mora biti označena rednim brojem stranice ili lista, kao i ostale stranice ili listovi ponude i kao takva čini sastavni dio ponude. Ponuđač „Dinalsa“ d.o.o. Sarajevo je dostavio garanciju za ozbiljnost ponude koja je zatvorena naljepnicom, ali bez pečata ponuđača, niti je označena rednim brojem stranice kako je to traženo tenderskom dokumentacijom.

Iz naprijed navedenog razloga utvrđeno je da ponuđač „Dinalsa“ d.o.o. Sarajevo ne ispunjava uslove tražene u tenderskoj dokumentaciji iz tačke 4.7.2 – garancija za ozbiljnost ponude, te je ponuda odbačena shodno odredbama člana 68. stav (4) tačka i) Zakona o javnim nabavkama.

Uvidom u preostalu ponudu ponuđača „Sela“ d.o.o. Sarajevo Komisija je analizom i procijenom dokumentacije kojom ponuđač treba dokazati svoju kvalifikovanost za učešće u ovom postupku utvrdila da ista ispunjava formalno-pravne i kvalifikacione uslove tražene u tenderskoj dokumentaciji, te je izvršila računsku kontrolu ponude i utvrdila da nema računске greške.

Komisija je nadalje utvrdila da je predmetna ponuda ponuđača „Sela“ d.o.o. Sarajevo u iznosu od 7.398,22 KM veća od iznosa određenog u Odluci o pokretanju postupka javne nabavke (gdje procijenjena vrijednost predmetne nabavke iznosi 165.000,00 KM sa PDV-om). Komisija je od Službe za finansije zatražila stručno mišljenje o potrebnom dodatnom iznosu. Mišljenjem broj 02/09-14-sl/202DŽK od 24.6.2020. godine Služba za finansije je dala saglasnost na traženi dodatni iznos od 7.398,22 KM, te je na osnovu te saglasnosti Komisija nastavila sa procedurom javne nabavke. Komisija je shodno naprijed navedenom dala preporuku za zaključenje ugovora sa ponuđačem „Sela“ d.o.o. Sarajevo.

Imajući u vidu da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis

